

## SCRIPT OF EVENING GOJRI NEWS BULLETIN 28 JAN 2025

1700HRS

اوننگ گوجری نیوز بولٹن 28 جنوری 2025

\*\*\*\*\*

یوہ آکاشوانی جموں بے محبوب سلطانی تے نصرت چودھری تیں خبر سنو۔

\*\*\*\*\*

### HEADLINES

- ۱۔ در مودی اج شال اُترکھنڈ مانہہ ۸۳ ویں قومی کھیڈاں گو افتتاح کریں a وزیراعظم نرین غاجس مانہہ جموں کشمیر تے ۸۰۱ کھیڈاری حصو لے رہیا ہیں۔
- ۲۔ قومی تحقیقاتی ایجنسی این۔آئی۔اے نے دہشت گردی نال جُڑیا معاملہ غا سلسلہ مانہہ جموں کشمیر کی کئی جگہاں ور چھاپا ماری کی ہے۔
- ۳۔ پلک نوی دلی مانہہ نیٹنگ رٹریٹ غی تقریب منعقد وے غی جدکہ جموں مانہہ یاہ تقریب ایم اے سٹیزیم مانہہ وے غی۔
- ۴۔ ۹۱ براں توں کھٹ غی خواتین ۰۲ ٹی عالمی کرکٹ کپ مانہہ بھارت نے سکاٹلینڈ مانہہ ۰۵۱ دوڑاں نال برا دتو ہے۔
- ۵۔ تے محکمہ موسمیات غی پیشن گوئی غے مطابق جموں کشمیر مانہہ ۹۲ جنوری تیں تازہ بارش تے برف باری ہوسکے۔

### UK NATIONAL GAMES

قومی کھیڈ ۵۲۰۲ اج تیں اُترکھنڈ مانہہ شروع ہو رہیا ہیں۔ وزیر اعظم نریندر مودی ڈھیراڈن غا۔ راجیو گاندھی بین القوامی کھیڈ میدان نہہ افتتاح کریں غا۔ افتتاحی تقریب مانہہ اُترکھنڈ لوک ثقافت تے جدید ٹیکنالوجی مانہہ ایک ساتھ جوڑ غے دلچسپ انداز مانہہ دکھایو جے غو۔ ۸۲ ریاستاں تے ۸ مرکزی زیر انتظام علاقاں گا ۰۱ ہزار تیں متہ کھیڈاری ۵۳ کھیڈاں گا ۷۴ تقریب مانہہ حصو لیں گا۔ یے کھیڈ ۸ ضلاں غا ۱۱ شہراں مانہہ منعقد ہو رہیو ہے۔

### JK NATIONAL GAMES

اس کھیڈ مقابلہ مانہہ جموں کشمیر توں تعلق رکھن آلا ۱ سو ۸ کھیڈاری، جن مانہہ ۷۸ مرد تے ۱۸ خواتین شامل ہیں۔ ۴۱ کھیڈاں گا زمرہ مانہہ اپنا بٹر مانہہ دسے گا۔ جن مانہہ ووشو، مکہ بازی، نیٹ بال، تلوار بازی، جمناسٹک، جوڈو، یوگا سائکلانگ، واٹرسپورٹس تیراندازی، نشانہ بازی تے کشتی شامل ہیں۔

### NIA RAIDS

قومی تحقیقاتی ایجنسی نے اج سوپور تے سرینگر گا بکھ بکھ علاقاں مانہہ دہشت گردی سنگ جُڑیاوا معملان گا سلسلہ مانہہ چھاپے ماری کی ہے۔ اس ضمن مانہہ ایجنسیاں گا اہلکاراں نے ۳ افراد جن کی پشان جاوید احمد شیخ، اے۔ آر شالا تے نثار احمد غا طور ور ہوئی ہے، غا گھر تلاشی کی۔ اس دوران سرینگر مانہہ دو جگہاں ور چھاپے ماری کی جن مانہہ اک رہائشی مکان۔ تے اک دفتر شامل ہے۔ جہیزو سوپور توں تعلق رکھن آلا شخص غو ہے، تلاشی گو عمل جاری ہے تے مزید تفصیلات کی اڑیک ہے۔

### MUSHAIRA

لیفٹیننٹ گورنر منوج سنہا نے کل ابھینو تھیٹر جموں مانہ ہندی ڈوگری تے اردو زبانان مانہ راشٹریہ گوی سملین گو افتتاح کیو۔ ۳ روزہ اس ادبی تقریب غو اہتمام جموں کشمیر غی ثقافتی فن تے زبانان بارے اکیڈمی نے ۶۷ واں یوم جمہوریہ غی تقریبات غا ایک حصہ غا طور ور کیو ہے۔ اس سلسلہ مانہ اج کل ہند اردو مشاعرو منعقد ہو رہیو ہے جس مانہ بڑی تعداد مانہ جموں کشمیر تے بیرون ریاستاں گا شاعر حصو لے رہیا ہیں اس بارے آکاشوانی جموں نال کگل کرتا واں اردو شاعر لیاقت جعفری نے اس طرح کہیو۔

## CM TAWI GUEST HOUSE

وزیر اعظم عمر عبداللہ نے پچھلے تہاڑے جموں مانہ نوہ تعمیر کیو کیو توی گیسٹ ہاؤس گو افتتاح کیو ہے جس سنگ جموں کشمیر کی مہمان نوازی بارے ٹانچا مانہ بادھو وے گو اس گیسٹ ہاؤس مانہ کانفرنس حال جدید سہولتاں تے نظام غے نال نال وی وی آئی پی سوئس کی سہولیات وی دستیاب ہے جہیڑا ریاستی مہمانان گے نال نال اعلیٰ سطحی وفود کی میزبانی کرے گو۔ مہمان نوازی تے پروٹو کال محکمہ غی کوششاں کی سرانہا کرتا مانہ وزیر اعلیٰ نے کیو ہے یوہ مہمان خانو یوٹی مانہ اعلیٰ معیار کی خدمات سنگ معزز مہمان کی میزبانی کرن کی صلاحیت مانہ بدھاوے گو۔

## RAMBAN RURAL DEV

حکومت جموں کشمیر یوٹی گا دور دراز علاقان مانہ رہ رہیا لوکان کی معیاری زندگی نانہ بہتر بنان تے بکھ بکھ محکماں گے زریعے بکھ بکھ سکیمان غے تحت مجموعی ترقی نانہ فروغ دین بارے پُر عزم ہے اس سلسلہ مانہ بانہال گا اک دیہی علاقہ گا بسنیک پہلی دفعہ گلیاں مانہ ٹائیل لان تے پانی کی مناسب نکاسی بارے تعمیر گو کم دیکھ ریا ہیں۔ اس کم کاج گے زریعے ۲ ہزار تو متا افراد نانہ فاندو پُجے غو۔ اس کم کاج نانہ دیہی ترقیاتی محکمہ آرڈیڈی کی طرفوں پی۔آر۔آئی گرانٹ مانہ چار لکھ توں متی رقم اندر پورو کیو گیو ہے تے اس سلسلہ مانہ مقامی افراد نے حکومت کی کوششاں کی تعریف کرتا مانہ کیو اس کم کاج سنگ خاص طور ور پارش مانہ پیش آن آلی دقتا گو حل وے گو۔ اس ضمن مانہ اک مقامی افراد گو کہنو تھو۔

## BEATING RETREAT

بیٹنگ رٹریٹ کی تقریب پلک نوی دلی گا وجے چوک مانہ منعقد کی جے گی وزارت دفاع نے اک بیان مانہ دسیو ہے جے اس سال ۰۳ کارکردگی اس تقریب مانہ پیش کی جے گی جہیڑی فوج بحریہ فضائیہ تے مرکزی مسلح پولیس دستاں گا بینڈ تے موسیقی گا تماشیاں نانہ محفوظ کرے گی۔ اس تقریب مانہ صدر جمہوریہ دروپدی مرمو نائب صدر جمہوریہ جگدیپ دھنکڑ وزیراعظم نریندر مودی وزیر دفاع راج ناتھ سنگ تے دیگر مرکزی وزرا موجود وے گا اس طرح کی تقریب پلک جموں گا مولانا آزاد سٹیڈیم مانہ منعقد وے گی جس مانہ یوم جمہوریہ کی اہتمام ور فوجی مہارت تے قوم پرستی گو شاندار کیو جے غو۔

## ROAD ACCIDENT

جموں مانہ نگر وٹہ گے نزدیک اج پیش آیا اک سڑک حادثہ مانہ ۳۱ مسافر زخمی ہو گیا ہیں۔ یوہ حادثو اُس ویلے پیش آیو جد جموں تو کٹڑا آلے پاسے جارہی اک بس نگر وٹہ گے نزدیک، اک ڈمپر سنگ ٹکرا گئی۔ مہارا ضلع گا نمائیندہ نے دسیو ہے جے یوہ حادثو جموں

سرینگر قومی شاہراہ ور ہوو ہے جس غی وجہ تو علاقہ مانہہ شاہراہ ور گڈیاں گی آؤ جائی وی متاثر ہوئی، پولیس گے مطابق تمام زخمی مسافراں نانہہ تاوالاں علاج و معالجہ خاطر سرکاری طبی کالج جموں ٹوریو گئیو۔ تے اس ضمن مانہہ جی۔ ایم۔ سی مانہہ موجود طبی عملا نے دسیو جے زیادہ تر زخمی ہون آلا مسافراں نانہہ معمولی سٹ لگی ہے۔ تے عملا غی طرفوں مریضاں گی دیکھ بھال مانہہ نزدیکی نظر رکھی جارہی ہے۔ حکام گی طرفوں حادثہ گا پیچھے غی وجہ گو پتو لایو جارہیو ہے۔ تے اس سلسلہ مانہہ مزید جانکاری مہارا ضلع گا نمائندہ انکس شرما کولوں۔

## YOGA UDHAMPUR

وزیراعظم نریندر مودی گی طرفوں عالمی سطح ور یوگا نانہہ فروغ دین تو متاثر ہوگے ادھمپور غی ۵۱ سالہ دریا جندیال نے یوگا غی دنیا مانہہ شہرت تے اپنی نمایاں کامیابیاں سنگ اپنا خاندان تے ضلع گو نانہہ فخر سنگ اچو کیو ہے۔ اُن کی محنت نے اُنہاں نانہہ کئی اہم مقابلان مانہہ کامیابی دتی ہے۔ جن مانہہ یوگاسن بھارت مانہہ، بھارت غی نمائندگی تے مہاراشٹرا مانہہ سکولی کھیڈ شامل ہیں۔ اُنہاں نے سٹیٹ یوگا چیمپینشیپ مانہہ اپنی محنت سنگ 'سونہ' گو تمغو وی جیتیو ہے۔ اس موقعہ ور بولتا مانہہ داریا جندیال بوراں گو کہنو تھو۔

## CRICKET

اج انڈر ۹۱ آئی سی سی خواتین ۲۰ ٹی عالمی کپ مانہہ بھارت نے سکاٹلینڈ نانہہ ۵۱۔۰ دوڑ تیں شکست دتی بھارت نے ۲۰۸ دوڑ بنایا تے صرف ایک وکٹ کھوئی گنگودی ترشا نے ۹۵ گنداں مانہہ ۱۱۔۰ دوڑ بنایا تے جی کمالی نے ۲۴ گینداں مانہہ ۱۵ دوڑ بنایا تے سکاٹلینڈ غی پوری ٹیم ۴۱ اوور مانہہ صرف ۸۵ رن بنا غے آؤٹ ہوگئی۔ بھارت غی آیوشی شکلا نے ۴ وکٹ حاصل کی جدکہ ویشنوی شرما تے گوگاندی ترشا نے ۳۔۳ وکٹ حاصل کی۔ مردان غا کرکٹ مانہہ بھارت اج راج کوٹ گجرات مانہہ تیسرے ٹی ۲۰ میچ مانہہ انگلینڈ غے کلاف میدان مانہہ اُترے غا یوہ میچ شام ۷ بجے شروع وے غو۔

## WEATHER

محکمہ موسمیات نے آئندہ ۹۲ جنوری تیں بارش تے برف باری گی پیشن گوئی کی ہے جدکہ دسیو گئیو ہے جے ۹۲ جنوری گی رات تے ۰۳ جنوری گی سویرے گجھ ایک مقامات ور ہلکی بارش تے برف باری وے غی تے پھر دوبارہ یکم فروری غی رات تیں لے غے ۲ فروری توڑی یہی صورتحال رے غی۔ اُونگا جموں سرینگر قومی شاہراہ ۴۴ دوپاسے توں گڈیاں گی آوجانی واسطے کھلو رکھیو گئیو جدکہ مغل سڑک جہیڑی کشمیر گا شوپیاں ضلع نانہہ راجوری پونچھ ضلعان سنگ جوڑے اجو وی گڈیاں گی آؤ جائی واسطے بند ہے۔